

Picul gjornâl dai fruts



SCUELE PRIMARIE di PANTIANINS

Edizion di jugn 2018

UN AN DI FURLAN A SCUELE

UN ANNO DI FRIULANO A SCUOLA

1972 - 2017 La Scule Primarie a Timp Plen di Pantianins e à finît 45 agns!

1972 - 2017 La Scuola Primaria a Tempo Pieno di Pantianicco ha compiuto 45 anni!

Ve chi che o sin cul nestri gjornalin, a fâ fieste par cheste biele ricorence e par contâus tropis robis bielîs e interessantis par furlan che o vin fat ancje chest an a scuele!

Come simpri, al sarà dome une cerce di ducj i lavôrs, dissens, fotos che a àn inricjît dal inizi dal an

la programazion in

lenghe furlane ta la

nestre scuele.

Chest an lis mestris

Meri, Gianna, Antonella, Daniela e Genny

a nus àn seguîts tal

percors, tratant argo-

ments plasevui e inte-

ressants ta lis nestris

classis, ancje par fur-

lan...parcè che al è un

plase dôprâ la nestre

lenghe a scuele!

Insome, un an siôr di

esaltantis ativitâts in

marilenghe, che no

rivin a stâ ta lis

pagjinis di chest gjornalin, ma sigurementri ta chês

dai ricuarts plui bieîs di ducj i fruts

da la Scuele Primarie di Pantianins!

Eccoci nuovamente con il nostro giornalino, per festeggiare questa bella ricorrenza e per raccontarvi quante attività belle e interessanti in friulano abbiamo svolto anche quest'anno a scuola!

Come sempre, sarà solo un assaggio di tutti i lavori, disegni, foto che hanno arricchito dall'inizio dell'anno

la programmazione in lingua friulana nella nostra scuola.

Quest'anno le maestre

Meri, Gianna, Antonel-

la, Daniela e Genny ci

hanno seguiti nel per-

corso, trattando argo-

menti piacevoli e coin-

volgenti in tutte le clas-

si, anche in friulano...

perché è un piacere usa-

re la nostra lingua a

scuola!

Insomma, un anno

ricco di entusiasmanti

attività in marilenghe,

che non riescono a stare

nelle pagine di questo giornalino, ma sicuramente in

quelle dei ricordi più belli di tutti i bambini della

Scuola Primaria di Pantianicco!



**Buine leture
a ducj,
ma soledut...**

**Buinis
Vacancis!**



**Buona lettura
a tutti,
ma soprattutto...**

**Buone
Vacanze!**



Comune di
Mereto di Tomba

LA PRIME

... cun i siei picinins

In Prime chest an, viodût che no ducj si cognossevin, o vin començât cuntun biel ritrat di ognidun di nô par presentâsi. O vin tacât ducj i dissens suntun grant cartelon che la mestre Assunta nus à metût adun.

Daspò lis fiestis di Nadâl o vin viodût cemût che al vîf un frut

de nestre etât: cemût che o si vistin, dulà che o lin a scuele, ce materiâl che o doprin, cuai che a son i nestris zucs preferîts e a la fin ognidun di nô al à dit ce che i plasarès fâ di grant. Cualchidun al volarès diventâ un zuiadôr di balon, cualchidun un pitôr, un altri un cjantarin e une di nô e varès voie di tosâ pioris.



La conte des SECONDIS

Nô fruts di Seconde o stin realizzant un libri che al conte di paveis e besteutis che a vivin intai nestris cjamps.

Par fâ lis ilustrazions o vin sielzude la cjarte pestade.

Ve cemût che o vin fat: un grup di fruts al è lâf ator par la scuele a cirî rodud di cjarte igjieniche. Daspò che la bidele nus a cridât o vin sbregade la cjarte in tucuts piçui. La vin metude intune terine e o vin zontât aghe, Vinavil e colôr a tempore. O vin messe dât ben e impastât dut il materiâl fin cuant che il messedot al è diventât come il pongo.

Cuant che o vin finît di lavorâ al so-meave che inte classe al ves neveât!



ARCHEOLICS IN VORE

"Vinars ai 18 di Mai, o sin lâts li de aree protostoriche dal Cjastelîr, dulà che o vin partecipât a dai laboratoris di archeologjie. Dutis lis classis a son stadis e àn podût sperimentâ la storie in maniere diferente. Di fat, dai esperts nus àn fat piturâ, masanâ grignei di vuardi e forment, cuei vasuts di ceramiche e sclesâ la pierre propite cemût che a fasevin i nestrîs antenâts de Protostorie, che tal Cjastelîr a vevin vivût agnorums indaûr. Insome, e je stade par ducj nô une vere zornade primitive!

"PANTIANINS ...

...AL CJAPE DUT! "(Preside M. Driol)

Tal an scolastic 2016-2017, la classe Cuinte de Scuele Primarie di Pantianins, insiemit cu lis mestris Dolores e Rosa, e à lavorât ae creazion di un lunari, cun lis riproduzions des grandis oparis mestris di pitôrs furlans e de *"Agjende scolastiche: Merêt di Tombe ai tîmps dai basavons 2017-2018"*, su lis tradizions dal mont contadin locâl.

La opare e je stade publicade de Associazion Culturâl "Qui Pantianicco", cul jutori de ARLEF (Agjenzie Regjonâl pe Lenghe Furlane) e dai Comuns di Merêt di Tombe, Sedean e Flaiban.

Tal mê di Mai di chest an, nus è stade dade une buine gnove: chescj lavôrs a àn vinçût il **prin premi** dal concurs *"Chino Ermacora - Scuele e Marilenghe"*, inmaneât de Societât Filologjiche Furlane, insiemit cu la Citât di Tarcint, l'Ent Friûl tal Mont e il Ducât dai vins furlans.

La opare, scrite par furlan e par talian, e mostre dai dissens une vore bieî fats dai arlêfs. La agjende e fronte cetantis tematchis: de vite contadine ai tîmps dai basavons, ae impuartance pes fameis, dai morârs e di tirâ sù i cavalîrs; al rûl des viciniis tes comunîtats paيسانis, fintremai ae indispensabilitât dal cjampanili, che cui siei glons al segne lis zornadis; dal mistîr di purcitâr, al misclîçâs de religjon inte cuotidianitât. E tantis robis ancjemò.

Inte ocasion de Fieste de Patrie dal Friûl, la Associazion Culturâl "Qui Pantianicco" e veve za presentade in public la opare vinars ai 7 di Avrîl dal 2017, a Merêt di Tombe.



... E PAR FINÎ US MOSTRIN IL "LUNARI 2018" de CUINTE!

Intal mê di Dicembar al è stât publicât il calendari prodot da nô fruts di classe cuinte.

Il siôr Walter Mattiussi al à metût dongje, al computer, il test cun lis fotografiis e al à cumbinât di cjatâ i fonts par la stampe. Lis foto - dissens, di colôr sepe a rapresentin un passât: la vite semplice, ma une vore faturose di une puare famee furlane al principi dal nûf cent.

I protagoniscj, Meni e Melie a àn intor vistîts puars e a doprin imprescj nassûts di dibisugns simplîçs, ma concrets, a vivin une vite ruspie e essenziâl intal mût di fâ e intal cjacâr.

La conte e evidence fin a fâlu deventâ il protagonist, un mont di motos e di vogladis impuartant e valit che nol lasse puest a malintindiments.

Nô fruts par dissegnâ lis secuencis de storie o vin scugnût cjapâ sù gnovis sù il mût di vistisi, i imprescj e lis robis che si dopravin, lis usancis, la cjase e il dulintor e ancje la part dedicate a la agricolture di chel timp. O sin stâts daûr ai detais e o vin lavorât cun tante pazience imparant a doprâ la tecniche, par nô gnove, dal blanc e neri e o vin scuviert il sô valôr.

REDAZION

Ideazion e coordinament:

Mestre Genny

Argoments e tescj:

Lis mestris di furlan

Gianna, Antonella, Daniela,

Genny e Meri cu la colaborazion di Melissa Toneguzzo e Walter Mattiussi

Ringraziaments:

al Dirigjent Scolastic Maurizio Driol, a Francesco Altan par la vignete di repertori, ae Amministrazion Comunâl di Merêt di Tombe, ae Associazion Culturâl "Qui Pantianicco" par vê sostignût la stampe a colôrs, a ducj i mestris e ai famôs fruts de Scuele Primarie di Pantianins.

Mandi a ducj...

... e buinis vacancis!

